
МУРОЖААТЛАР ЖОЙИДА ЎРГАНИБ ЧИҚИЛМОҚДА

Ўзбекистон Республикаси Президентининг ПҚ-3182 сонли қарори ижроси юзасидан вилоят ҳокимининг 1-сектори таркибига кирувчи Фарғона, Марғилон шаҳарлари. Қўштепа, Ёзёвон, Фарғона, Сўх туманлари аҳолисининг хонадонларида юриб камчиликларни аниқлаш, аҳолини қийнаб турган муаммоларини ижобий ечимини топиш мақсадида жорий йилда маҳаллалар бўйлаб уйма-уй юриш жадваллари ишлаб чиқилиб, тасдиқланди.

Ишчи гуруҳ аъзолари томонидан фуқаролар томонидан кўтарилган масаланинг моҳиятидан келиб чиқиб, зарур ҳолларда жойни ўзида қонуний тушунтиришлар берилмоқда. Жорий йилнинг 6 ойи давомида юқоридаги шаҳар туманларнинг 700 дан зиёд хонадонларида ишчи гуруҳ аъзолари бўлишиб, оилаларга киришлар давомида 1401 та муаммолар аниқланиб, улардан 720 тасининг ижобий ҳал этилиши таъминланди.

Жумладан, 1-сектор раҳбари, вилоят ҳокими Ш.М. Ғаниевнинг 2018 йил 26 май кунги Фарғона шаҳар штабида ўтказилган қабулида 2-гуруҳ ногирони Г.Қодированинг, унга тайинланган ногиронлик гуруҳидан норози бўлиб қилган мурожаати бўйича Фарғона шаҳар 7-сонли оилавий поликлиника томонидан қайта кўриқдан ўтказилиб, ҳужжатлари ТМЭКка белгиланган гуруҳни қайта кўриб чиқиш учун тақдим этилди. Қайта ўрганиш давомида ТМЭК томонидан унга 2020 йилгача 1-гуруҳ ногиронлиги тайинланди.

Қува тумани Бўстон кўчасида доимий рўйхатда туриб, Фарғона шаҳар, 102-уй, 4-хонадонда вақтинча яшовчи Мирзақулова Наргизанинг ўзини 3-гуруҳдан 2-гуруҳга, отаси Мирзақулов Неъматни соғлиғини кўриб чиқиш тўғрисидаги ишчи гуруҳга қилган мурожаати белгиланган тартибда ўрганиб чиқилиб, унинг отасига муддатсиз даврга 1-гуруҳ ногиронлиги тайинланди.

Тошлоқ тумани, Садда қишлоғидаги аҳоли хонадонларида ўтказилган суҳбатлар давомида Афсона кўчасида яшовчи фуқаро А.Акрамовнинг мурожаатига асосан Терак таги маҳалла фуқаролар йиғини, Токзор кўчасидаги 96-уйга нисбатан вилоят “Ермулккадастр” давлат корхонаси Тошлоқ тумани филиали томонидан ўлчов ишлари бажарилиб, кадастр ҳужжатлари тайёрлаб берилди.

Фарғона шаҳар, Исмоилов кўчаси, 13-уйда яшовчи Х.Рустамовнинг мурожаати инobatга олиниб, фуқарога паспорт олиб берилди.

Марғилон шаҳар, Фабрика кўчасида яшовчи Махмудовга, Марғилон шаҳар, Улуғбек номли кўчада яшовчи Б.Фатхуллаевга, Қўштепа тумани, Қорақушчи қишлоғидан Р.Юлдашевларга ногиронлик аравачалари етказиб берилди.

2018-07-21 14:49:39